

黔南叢書第五集

古州雜記

據林氏原刻本鈔印

清江縣林 溥著

古州爲百蠻地自古不通聲教雍正七年張經畧廣泗守黎平以金幣賄生苗假道入省因密記其道里山川險阻形勢陳請大帥募通事統兵勦撫畧定其地遂入版圖幅輳一千餘里東西二百十里南北三百六十里統計苗民四百五十四寨計戶二萬七千有奇以十六土弁舍分隸其衆設理苗同知一員總兵一員分左右三營尉兵二千四百名又設左右衛千總二員安

古州雜記

黔南叢書

貴陽文通書局代印

屯田軍二千八百餘戶以資控馭境內有溪河三道一車江發源於正北之巴王育洞一都江發源於獨山州屬之爛土司地方一溶江發源於西北之崩坡塘三江之水分流至東流匯會合流直入廣西界成河距省六百餘里距黎平府治一百八十餘里崇山密箐鳥道羊腸瘴癘繁興天時人事迴與世殊余於嘉慶己未秋來權廳事就所聞見公餘筆之座右以備探考

古州榕樹最多大者數圍陰蔽百畝廳治南門外有五榕山一座遍山皆榕鎮署各有數株輪菌葱鬱冬夏不

凋故又名榕城

廳署規模宏敞甲於黔省爲諸葛城故址內有諸葛臺在花廳之左前司馬毛公構傑閣於上相傳苗人歲時伏臘疾病祈禱必具雞酒拜禱臺下無故不敢登涉輒頭眩昏暈張經畧假道時登臺眺覽諸苗見其無恙咸驚異意有他圖密謀襲之因相戒持刀往割經畧身衣繡袍以覘意旨經畧毫不爲動自指當胸處曰此處甚佳可幫取羣疑遂釋

黔省向食川鹽古州距蜀較遠艱於負販開闢後改食

古州雜記

黔南叢書

一陽貴文通書局代印

粵鹽由廣南水運至古運商武林俞氏領引轉運責成古州同知督銷設有總埠黎牛丙蘇三腳屯分設子埠源源接運遂成水陸通衢境內除鎮標兵丁及屯軍外悉係苗人流寓漢民絕少自設鹽埠以來廣東廣西湖南江西貿遷成市各省俱建會館衣冠文物日漸饒庶今則上下河街儼然貨布流通不減內地

古州苗人種類不一黑洞苗山苗最多白洞苗依猶苗參錯共間有一二十戶苗人自稱爲百姓謂漢民爲客家推髻跣足言語歧呶不可辨廳役亦有能通其語者

聽斷時代爲傳譯近則苗人多有能通漢語且薙髮者苗人素不識字無文券卽貨買田產惟鋸一木刻各執其半以爲符信今則附郭苗民悉敦絃誦數年來入郡庠者接踵而起且有舉孝廉者一人

城垣形勢長方週圍九百四十四丈疊方石築城極爲堅固城有五門南門北門西門大東門小東門城中衙署廟宇盡東向背山而河雖在萬山之中而城內外悉平坦如砥

鎮標兵丁每名日給口糧米一升月須米七百二十石

古州雜記

三

黔南叢書
貴陽文通書局代印

古州額征丁糧於乾隆三年永遠豁免所需兵米悉係奉撥黎平都勻府州縣挽運供支都勻府州縣米運交三腳屯倉由都江水運至古灘瀨層疊河水最爲險惡夏秋水灘漲平舟行迅駛順流而下朝發夕至春冬水涸偈仄處曾不容刀輕舟下水動輒經旬上水日行不過數里

立春先一日迎春東郊附郭居民備綵仗臺閣喧填塞巷苗數十人各抱箏琶率領苗童女歌跳輿前每歌時童女十數輩兩手相挽成圍聯背發聲其音繞梁所歌

皆苗語殊不可辨賞以銀牌鹽斤煙葉歡欣叩舞而散
古州天時炎煥異常春末夏初卽熱不可耐三伏溽暑
如在飯甑中几席均皆灼手必過霜降始漸涼爽重九
尙服絺綌冬時亦間有冰雪冬至後陰寒亦須重裘
冬臘月雷卽發聲閃電交加了不爲異雷電之後繼以
雪霰率以爲常

瘴氣四時皆有八九月尤盛人中瘴毒輒病太陽痛發
熱不止眩暈嘔吐誤服發散涼劑多致不起惟飲酒微
醺取汗卽愈早晚酌飲醇酒數杯可以辟瘴

古州雜記

四

黔南叢書

貴陽交通電局代印

九千里在廳治西南內通粵西俱生苗不服聲教亦不
出外滋事商賈間有入內貨市亦不爲害

牛皮箐在正西九千里之北深山密箐遍山數圍大木
不可億計歷年落葉堆積深至尋丈毒蛇異獸窟穴其
中客民結夥入內開墾掘不及地而止惟砍伐大樹種
植香菰往往有之

古州無壇廟亦無學校聖帝廟在西門內規模宏敞迤
南爲武侯祠亦在坡頂左偏有抱膝亭一楹相連公所
一區供設萬歲牌位爲歲時伏臘及萬壽聖節朝賀之

所城隍廟在北門內龍神火神廟相連在北門外天后宮在武侯祠坡下爲閩粵客民所建

苗民俱食糯米收穫較遲九十月方始登場屯軍均種粘穀收穫最早五月內卽吐穎結實六七月新穀滿市矣

山頭地角高下田邱方圓大小闊狹形勢悉依地而成不能以丈量計畝苗民置產惟計田幾邱收禾若干把或計收穫若干斤以登券據

境內有可開墾水田者一邱一壑纖悉無餘無水之地

古州雜記

五

黔南叢書
貴州文通書局代印

種植蕎麥大麥燕麥包穀等以裕旨蓄

薏苡產植甚多市價極廉小麥亦間有種者然亦僅見
藜豆黑魯豆竟未有種者卽市販亦罕

果木如桃李梨栗核桃林檎偏山皆有柚樹最多秋時結實纍纍大可徑尺

佛手柑又名蜜羅柑芳氣襲人剖食香脆潔白遠勝他果

橙橘石榴枇杷葡萄亦多惟棗樹絕少

黃果大於橙皮細膩無瘕味甘供置几右香氣靜細可

愛

珍果如椰子荔枝檳榔皆由粵東附鹽艚來者非古州所產

橄欖亦是粵來樹亦間有

水果有菱無芡蓮有實而不產藕

冬筍楚來市價極廉春筍細瘦無味苦筍入夏盈市大者如甕

荸薺菱菰慈菇芋悉如江南

南瓜冬瓜到處皆種獨不產西瓜種亦不實

古州雜記

六

黔南叢書

貴陽文通書局代印

花卉各種皆有杜鵑最多春時爛開徧滿山谷璀璨耀目土人呼爲映山紅

蕙蘭叢生坡谷春時徧開芳香襲人苗人採摘盈把入市婦女椎髻簪一二箭以爲飾

桂花大皆合抱苗人往往斫以爲薪花時濃香馥郁正當瘴起謂之桂花瘴

芭蕉徧山有之廳署種植百餘本前官剪伐殆盡余爲修護培植漸復舊觀

廳署蓮池一區舊植紅白蓮二種前官畜魚鱒於中冬

時水涸挖掘魚鱗致傷藕根余爲補種修葺夏時水漲蓮葉田田可愛遶池垂柳數株爲置曲欄以擁護之長條踈地姸媿臨風池西翼然有亭顏其額曰遠香公餘臨流憑檻綠水紅欄與柳影花枝互相掩映幾疑身入畫圖頓忘萬里遐荒作吏之苦也

茉莉夜來香先自粵來今則民間徧植每當盛暑摘置枕函夢回酒醒香迷斗帳不減江南秦淮風味也

廳署有紅梅一株古柏一株丹桂三株月桂一株大皆合抱又碧桃一株垂柳五株榆葉梅一株安石榴大小

古州雜記

七

黔陽文通書局代印

十許株梨杏李各十餘株枇杷二株林檎一株紫辛夷二株海棠二株水芙蓉二本杜鵑一叢黃茶蘼一架白葡萄二本夾竹桃二株佛手柑香櫟各一株慈竹數叢天竺子四五叢芭蕉大小二百餘本紫竹數十竿橘一樹深淺月季三四叢薔葡四五本此外輪囷大木榕二株楮一株柚七株識之以存吾猶及之感

苗女以銀作項圈層約項下富者多至十餘層以爲容飾秋冬之間結伴挖沙蟲爲食沙蟲形如蟻螯色潔白長六七寸產土中

苗人婦女皆跣足裙百摺以布爲之長不盈咫圍臍下屯軍原以衛民故名曰衛三時耕種農隙講武卽古屯田之義上則授田六畝中則授田八畝下則授田十畝寓兵於農緩急可用法至善也立法之初屯軍事故開除則另挑餘丁壯健者頂補官給執照年貌造入軍冊毋許頂替濫充以收實效奉行日久玩生弊起屯軍以所授官田視同世業祖父子孫襲食罔替或經故絕則私相頂替冒認宗枝出名承充或子孫年不及歲則雇覓一人應名分食或因欠私債卽以官田作抵甚至奉文調撥卽招無籍之徒頂名應役軍田各半分食師旅之後爭訟無休近則官欲革除一軍挑補一軍阻撓抗拒幾成尾大不掉管轄官與該管百戶等狼狽相依串侵官項百弊叢滋每歲十月開操火鎗弓箭毫不講求惟以空文一報了事卽有賢能之員亦屈於積重難返余有志整頓惜爲瓜期已迫而止

招撫之初苗寨繁庶者卽自行出名就撫小寨不能自立附於大寨謂之洞崑尊大寨謂之爺頭凡地方公事均大寨應辦小寨概不與聞亦不派累如古附庸之例

大寨有所慶弔之事牛年酒醴悉取給於洞崑而償其
值洞崑事爺頭少不恭順卽結訟頗年終無了期

古州雜記

九

野 甫 業 書
貴陽文通書局代印

古州雜記爲清嘉慶間汲縣林溥權古州廳同知所撰於該廳沿革山川風俗賦課氣候物產等項分條敘述均甚詳晰取與黎平府志及古州廳志校對兩志均多缺載雖寥寥短篇足與方志並重至林君仕跡兩志全未錄及僅古州志文職表列有其名惟讀記文簡要雅贍殊非倉卒筆錄又就原書中如余有志整頓惜瓜期已迫而止諸語觀之林君確爲一實心政務之吏亦非尸位素餐者可比竟淹沒弗彰深堪太息因是文獻館諸同志定議以之印入叢書第五集以廣流傳據印稿

古州雜記

後

黔南叢書

冊

貴陽文通書局代印

本係昔年覃生館長山故都鈔來與小方壺齋印本無大懸殊校印畢附誌數語於末民國廿七年戊寅仲夏貴陽文宗瀚謹識